

知薊州事歸安沈 銳重纂

建置志

春秋凡興作必書重勞民也然靈臺辟雍亦需民力但必在康功田功之後耳故先王建邦必詳建置立規模定區宇務期周備而官民賴之薊州為

鑿輅經臨之所則周官陞桓再重之義自宜敬悉至於設險固圉敷治臨民城池官署皆先務也倉廩裕民食學校育民材即次之安不忘危關隘又次之他若街坊鎮集邱墓津

薊州志

卷之三

行宮

一

梁以及壇廟寺院皆建置之不得已於民者也志建置

行宮

白澗

行宮在城西十里白澗庄為

皇上展謁

東陵入州境首站乾隆十八年建

獨樂寺

座落在州西門內獨樂寺東乾隆十八年建

桃花寺

行宮在州東十八里桃花寺山半山中乾隆十八年建

隆福寺

行宮在州西二十五里隆福山

盤山

行宮在盤山下玉石庄東乾隆九年臣工以盤山為

鑾輿由山海上

陵寢之道宜創築

殿宇以為歲時駐蹕之所隨蒙

俞允告成後

薊州志

卷之三

行宮

高宗純皇帝題曰靜寄山庄復於山內之

天成寺

少林寺

上方寺

古中盤

雲罩寺

盤谷寺

東竺菴

萬松寺

法藏寺

青峯寺

天香寺

上方寺

雲淨寺

東甘澗

西甘澗

雙峯寺等處各設

座落以備

薊州志

卷之三

行宮

三

巡幸憩息之所今多坍塌

臣謹按薊州為

畿左名勝之區歷代史冊紀之詳矣逮

國朝

聖駕時臨尤為展謁

東陵之要道倘歲時

巡幸無以安

御輦而駐

鑿輿臣民之心奚安乎爰於乾隆十八年

高宗純皇帝允諸臣所請於州境之白澗獨樂寺桃花寺隆福寺
等處建立

行宮

座落以愜衆望而順輿情非如前代之率興土木焜耀觀瞻

已也臣世受

國恩忝膺司牧其歡欣鼓舞之忱又烏能自己耶

薊州志

卷之三

行宮

四

城池

城垣不知創於何代舊惟土城明洪武四年始甃以傳石周圍九里十三步連女牆高三丈五尺堦口二千四十個南瀕沽水北倚山原城門三座東曰威遠西曰拱極南曰平津各有樓四角有角樓四座正北無門城上有樓名北極樓敵樓二座更鋪三十二間明崇禎壬午年拆毀我

朝定鼎以後未及修葺歷年雨水淋刷漸至塌壞又遭康熙十八年異常地震以致西門甕城中空倒塌磚石常墜下傷人康熙三十三年州牧張朝琮蒞任之初卽捐募先修

薊州志

卷之三

城池

五

甕城共費千餘金並修葺東南二門俱煥然一新更以城下有水溝二道原係宣洩城內雨水一在東門之南一在南門之東久已淤塞每遇天雨水從城門中出街道成河因於康熙三十四年疏濬通利水可暢流闔城便之嗣於康熙三十九年十二月初八日

聖祖仁皇帝謁

陵回

鑿本州士民鍾良輔李文錦等叩

聞請修城康熙四十年三月初九日 工部牌行到州爲請

修薊城以壯

皇圖以培

陵脈以利民生事營繕清吏司案呈工科抄出本部題前事內開
該臣等議得薊州士民鍾良輔李文錦等叩

閭疏內稱薊州城爲

帝京左輔

皇陵右翼畿內風水所關城垣頽壞門闔殘破不得不修於康熙
十一年前在巡撫金世德爲修理具題奉

旨依議欲發錢糧興工值反叛吳三桂變亂需用兵餉繁多將

薊州志

卷之三

城池

六

修理薊州城工暫行停止俟太平之日另行請修在案今
聖恩浩蕩軫念薊郡地窄民貧粟米短少開河撥運立倉厥於
薊不可無堅城以護之等語查康熙十一年原任直隸巡
撫金世德敬陳恤災等事案內薊州城垣係

陵寢等處往返大路衝塌處所不便不修將直隸錢糧除各項支
用外其餘剩者每年酌量扣留修理等因具題部議照該
撫所題將餘剩錢糧酌量扣除交與地方官員將薊州城
垣修理等因題覆在案康熙十三年金世德爲時值軍興
之際將薊州城垣暫停修理俟平定之日再行舉修等因

具題停工查得薊州城垣畿內重地甚是殘破相應移咨該撫將薊州城垣作何修理之處查明定議具題到日再議可也康熙四十年二月初九日題本月二十九日奉

旨這薊州城垣著阿爾法清格理前往修理欽此欽遵抄出到部擬合就行爲此合牌前去照牌事理施行須至牌者於康熙四十一年三月初六日興工九月告竣三門各建城樓一座四角各角樓一座正北城上北極樓一座雉堞二千百七十城垣煥然重修矣本年十一月內士民鍾良輔陳惟一李雲蒸李本男馮兆隆王恂張承芳丁含章趙甘

薊州志

卷之三

城池

七

旭屈雲暈吳存中劉宗漢朱純盧塏王家福陳惟清程國祚魏建德李文錦王之棠高承憲孟汝良張義才郭大廣吳端章陳三德陳邦均李時中韓登仕宋逢源景一新張亦善魏成龍高從仁劉文憲張國良史一林呈爲

皇恩浩蕩民生感戴叩天轉詳題謝事竊薊州爲

神京左輔

皇陵右翼地少人稀物產易竭加以

陵糈浩繁取辦境內每年招買穀價騰涌幸我

皇上洞悉民艱大展

聖算疏濬薊河撥運漕糧修建倉廩

陵寢既裕四方被澤薊州城垣頽圯殆盡士民念為

陵寢風水所關

聖駕駐蹕所係願竭愚忠恭進民本荷蒙

聖恩俞允至今雉堞鞏固煥然一新

皇圖既壯而萬民家室永賴矣輔等叩沐

洪恩頌祝雖為有口恭謝殊屬無門叩乞 仁明大宗師老翁

俯徇民隱轉詳 撫憲具題陳情恭謝

天恩連名上呈本州陳 具文轉申 通承道李 憲牌行知

薊州志

卷之三

城池

八

准 守道高 關開蒙 部院李 批士民輿情據詳已

悉仰傳諭士民於

聖駕行幸經由時聚集叩頭高呼祇謝可也繳康熙四十二年

五月內郡牧張朝琮製匾懸於三門並書

東門東面曰永固 西面曰東來紫氣

西門西面曰永寧 東面曰百拱神京

南門南面曰永康 北面曰進津

東門外為東關廂住民稀少

西門外為西關廂街長一里餘

南門外爲南關廂街長一里三關廂俱各有集場

池舊志載東門至南門深六丈濶五丈南門至西門深一丈濶七丈西門至東門角深三丈濶八丈東北角至東門深一丈濶十丈此段內向有蓮花歷年墊淤幾成平地而蓮藕尙多後蓮藕亦無泉源僅存一脈嘉慶拾五年州牧趙錫蒲捐資挑挖並於堤岸栽柳以護之今河雖存間有淤塞更當籌畫挑濬矣

按上古無城郭自大禹作城而池因之以濬重關擊柝用戒不虞所關顧不重哉薊州爲

薊州志

卷之三

城池

九

畿左名區向來雉堞霄冲甍池帶繞領袖諸郡世擅東藩者崇墉屹屹勢雄壯麗之觀帶水盈盈波起文瀾之秀誠司事者所當守護也

官署

州署在城中之東偏東至小察院署西至拱星街南北俱至
通衢隋置漁陽縣唐初入幽州武后時營州失寄治漁陽
遂屬營州開元初屬幽州後置薊州治遼金仍其舊址元
至正時達魯花赤擴而新之明初重建景泰三年芝產後
堂州牧姚恭區爲靈芝堂成化年州牧汪溥重修崇禎末
焚燬順治四年州牧文煥創修大堂五間順治七年州牧
于際清重修匾曰秉公堂又匾曰天監在茲康熙二十五
年州牧楊天祐立匾於堂曰報朝廷某事榮父母某事實

薊州志

卷之三

官署

十

百姓幾分留子孫幾分此匾旨乃通永道宋公學述後大
堂圯壞康熙三十五年州牧張朝琮重修匾曰忠愛又匾
曰居斯位者仰觀俯視頭上青天眼前赤子貪念莫生酷
刑莫使貪酷由人報應孔邇身或漏網殃必及嗣宜監於
茲慎終如始堂柱對聯曰先勞無倦俾葑屋茅蒼皞皞熙
熙共樂昇平始不媿一生幼學節用時使願黃童白叟親
親長長各安耕鑿知猶是三代遺風堂簷柱聯曰祈寒暑
雨惟怨惟咨我心怒焉用是思艱圖易撫字催科孰工孰
拙民力竭矣何堪剗肉醫瘡諸匾聯俱張公手書大堂下

東西皂隸房左右糧房右兵刑工房堂左承發房堂右收糧房甬路前爲

舊歲坊今坍塌坊前爲儀門康熙三十五年州牧張朝琮重修手書對聯曰我縱愛民早境見官無好處爾能忍性方知省事得便宜儀門下左爲倉今廢倉南爲土地祠西爲寅賓館今無存右爲監儀門南爲大門康熙四十一年州牧陳廷栢重修大門東爲旌善亭西爲申明亭今俱無存東柵舊曰安民坊後倒塌重修曰承流宣化西柵曰漁陽古郡柵外西南樵樓一座明崇禎時焚燬順治年州牧黃家棟

薊州志

卷之三

官署

十一

重修康熙十八年地震倒塌康熙三十三年州牧張朝琮重修匾曰畿東鎖鑰又匾曰古漁陽乾隆十一年焚燬存其基大堂後爲二堂三間匾曰潔已愛民州牧董廷恩立又東一間爲庫房又西一間爲簽押房二堂後爲內宅門內爲三堂共五間左右廂房各三間最後有二堂三間二堂之東爲東花廳廳後書房六間廳東角書房二間二堂之西爲書房前後各三間三堂西北有住房六間然俱廢宜修葺科房亦坍塌無存道光十年秋州牧沈銳捐廉重修自東西兩柵以及大門二門科房大堂三堂煥然一新

并顏額于三堂遷志堂爲松湖浦相國筠手書顏額于花廳後之書房曰得閒退舍跋其後云詩曰布政優優蓋云閒也易曰終日乾乾閒未得也夫必得所得而後閒其閒自公退食豈虛致哉 春淙制府來刺是州則顏其額曰得閒一似深羨乎此者風塵鞅掌獲領名賢之嘉言懿旨幸矣爰仍而新之廣曰退舍公餘憩息恬退爲宜且以作退一步想云爾若謂希蹤先達也余何敢區爲沈銳手書又於三堂東添廚房五間三堂西添住房五間以資栖止戶部銀庫舊在大堂西今無存

薊州志

卷之三

官署

十一

州同署在二堂東今無存

州判署在戶部銀庫西今無存

以上三署基趾俱併入州署內

州判署後移於文化街在察院舊基後裁於雍正五年復設州判官又於嘉慶六年改駐大城所有河務交中營巡檢代管署遂廢嘉慶拾陸年吏目劉翰彬請修奉文准借正項修補遂爲吏目署今無存

吏目舊署在薊署東北隅大門一座門內東土地祠西古槐一株相傳安祿山時卽有二門一座堂三間堂下東書辦

房堂後宅門內後堂東爲住宅二層共六間又書房一間後堂後又三間後復有空基今存其基

漁陽驛署舊在南門外卽今之管驛庄明天啟二年移於文
化街路南崇禎年焚燬猶存其址後移於東察院卽舊道
署廢基內大門一座東土地祠一間康熙三十八年驛丞
鄔棠修建二門五間左二間書皂房右二間徒犯房倉堂
三間又東西各一間堂後宅門內住房五間東廂房三間
西廂房四間兩廂房皆茅舍今俱無存現移驛號於州署
之西

薊州志

卷之三

官署

三

都司保守備改設守備署在州治東南文化街路北中爲堂
三間東書房九間西花廳三間又西茶房五間堂後住宅
堂前儀門又前大門門外東爲中軍廳崇禎年焚燬後都
司賃民房而居今閤營公置民房一所爲署在上井之南
兵備道署在州治南舊爲營州衛改建道署明季設薊遼軍
門遂改爲軍門公署增一新倉大門一間正廳三間廩房
三間道署移於東察院舊署軍門公署壬午年焚燬後改
爲考院又改爲倉

戶部分司署在州治西南大堂五間曰經濟堂堂左右皂隸

房各三間後爲後堂三間東西書房各三間東爲住宅大堂西南爲書吏房堂前爲儀門門外東賓賓館西土地祠中大門三間外東西各鼓臺一座迤東州縣館迤西答應官廳南爲中軍廳東柵曰畿甸持籌西柵曰薊門鎖鑰明季焚燬移住鼓樓東餉府行館後分司奉裁改爲外馬圈今無存

考院在州治東北隅大堂五間考棚七十七間左右皂隸房各三間堂後後堂五間左厨房三間右吏書房三間又後寢堂五間東爲廁所後花園亭一區考棚前爲儀門又前

薊州志

卷之三

官署

古

爲大門外東西各鼓臺一座旗臺二座東柵曰紀綱法度西柵曰禮樂文章大門西監司廳又西有司廳後改爲鑄錢局自錢局裁除遂爲空基嗣後歲科考試俱赴通州應試路遠費重每遇水發之時路更難行生童愈苦是以本郡及玉田遵化豐潤寶坻五州縣生童俱欲援本府屬之文安大城二縣就近改赴河間府應考之例各州邑生員鍾良輔李如蒞等公請於郡守願各捐資循舊例於薊州建考棚州牧張朝琮卽首倡捐資卜擇於治東南舊軍門公署廢基生員李如蒞監生朱名弼傅名卿督工司事週

立圍牆建造考棚三十五間棚南圖魁像於龍門柵北匾
曰冰壺玉尺州牧張朝琮立並書棚北大堂五間堂下東
西皂隸房各二間後川堂三間左右廂房各三間後住宅
五間左右廂房各三間宅東廚房三間茶房一間大堂西
外廚房一間考棚前爲儀門左右角門又前爲大門門外
照壁一座旗鼓臺一座東轅門曰紀綱法度西轅門曰禮
樂文章內巡捕廳二間掛號房一間於康熙四十四年三
月初七日興工六月初一日完工隨具文通報蒙 通永
道李 批仰候 學院批示錄報繳蒙 守道金 批仰

薊州志

卷之三

官署

五

候

部堂
學院

批示繳蒙

學院楊

憲牌內開查據薊玉等

五州縣生童既苦路途跋涉資斧艱難自願於薊城修復
考棚呈請就近考試經該道查覆前來相應允其所請以
便士子康熙四十四年六月初五日 學院按臨薊州科
試薊玉遵豐寶五州邑生童立匾於大堂曰英才蔚起匾
首曰薊舊有校士署頽廢以來士子遠赴潞河暑雨徒涉
州大夫倡興以復厥舊兩月既工余蒞斯堂樂肇建有成
而卜

幾東文運之隆也康熙乙酉六月望前二日督學講官楊名

時題後於雍正八年焚燬乾隆二十八年改建倉廩

薊州衛署在州治西南今無存

鎮朔衛署在州治西北今無存

營州右屯衛署在州治西南今無存

遞運所署在南門外今無存

庫大使署在州治南今無存

倉大使署在州治北今無存

僧正司署在州治西今無存

道正司署在州治北今無存

薊州志

卷之三

官署

六

陰陽學醫學俱在鼓樓前今無存

東察院在州東文化街後改爲兵備道署嗣後道員奉裁改

爲漁陽驛今無存

上察院在舊考棚西今無存

前察院在州治東後改爲館驛今無存

小察院在餉府東後改爲外馬圈今無存

通判署按通判於乾隆元年建設無署可居因於州治東南

買民房一所改造爲署至乾隆三十九年復將通判裁汰

署遂廢日漸倒塌復作價賣與民人銀兩歸正項充用

黃花山守備署在州東北四十二里孫各庄堂三間堂後住宅五間堂東書房二間堂前爲二門又前爲大門

左哨千總署在守備署西

右哨千總署在左哨千總署內

黃崖營千總署在州北五十五里黃崖關城內

將軍石關把總署在州北五十里苛山集北上營城內

巡檢署在中營於嘉慶六年奉文兼管河務遂移駐城內賃

民房爲署

各鎮公館六處一在馬伸店一在別山店一在澗流店一在

薊州志

卷之三

官署

七

上倉店一在邦均店一在公樂店今俱廢無存

演武廳在城外西南正廳三間後堂三間東西廂房各三間

旗臺一座後無存基趾亦在旗圈內今教場改作東門外

城根下房臺俱無

勸義坊在州治東南大門一座正廳三間東西耳房各三間

大門外藥器樓一座後焚燬無存

養濟院在西門外正草房五間東西廂房各五間

按

承流宣化貴得其人敷治臨民必需其所然非徒肅

觀瞻已也居厥位考厥職其亦有凜然動念者乎薊州

爲

神京左輔在明尤爲重鎮故官職不一衙署甚多其後官職
漸減署亦傾廢志中於舊有今無者仍存其名誌其地
正以備後世之參考焉耳

薊州志

卷之三

官署

六

學宮

至聖先師廟在州治西北東至拱星街西至尉官衙南至道
衙北至倉前行路

正殿五間東西廡各五間知州事于際清胡國佐屢次重修
康熙四十一年知州事陳廷柏重修乾隆三十七年知州
事梁肯堂倡率紳士李呈顏崔鈺何希閔張瑋王之烈捐
募重修嘉慶十三年知州事趙錫蒲倡率郡紳王友夔王
維垣王維祺李增王友甫張古鼎蒙國舉等捐募粘補殿
前松樹三株葱菁蕃茂其東南一株枝皆側出曲偃如此

蘄州志

卷之三

學宮

九

龍但東廡房屋被壓折棟頗受其累復以石柱架之俾悉
臻妥善云

戟門三間州牧胡國佐董廷恩修康熙三十四年州牧張朝
琮重修嘉慶十三年州牧趙錫蒲倡率紳士等捐募重修
泮池石橋三座康熙十四年州牧余時進修

櫺星門照壁康熙十四年州牧余時進修嘉慶十三年州牧
趙錫蒲倡率紳士捐募重修

名宦鄉賢祠舊在戟門之西康熙十四年州牧余時進移名
宦祠於戟門之東西仍爲鄉賢祠

崇聖祠五間康熙十四年州牧余時進修乾隆六十年學正李吉人倡率紳士闢崔鉉金文基捐募重修改作三

忠孝祠在大門內東偏舊齋基之上今廢無存

節義祠在舊道署之西今止存其基

敬一箴亭向在戟門之東康熙十四年州牧余時進重修後改爲名宦祠

按明倫堂西北隅有敬一箴碑其亭又疑在是

聚奎館在明倫堂東久廢無存

尊經閣五間在

薊州志

卷之三

學宮

三

崇聖祠後今無存

奎星樓向在學署大門內東偏樓北爲正誼修業進德三齋

久廢後改爲學正宅今齋樓俱無存乾隆五十三年州牧

王若常移奉奎星像於城東南角樓上

明倫堂三間在

先師殿東北係康熙十四年州牧余時進修匾曰明倫堂聯曰

道德必本彝倫君臣父子夫婦昆弟朋友事事無慚纔能

自立於天地進修惟存擇執博學審問慎思明辨篤行時

時弗闕庶可漸希於聖賢康熙二十八年順天府丞汪晉

徵題今無存乾隆三十八年學正李實生倡率紳士李呈顏崔鈺等捐募重修堂前左右齋房各三間久廢無存堂畔古槐二株今止存其一詩書禮樂坊一座康熙三十四年州牧張朝琮重修坊前松樹一株老幹盤踞色青勢古今無存

大門嘉慶八年學正李吉人訓導劉振聲倡率紳士崔鈺捐募重修大門外之東向有古槐一株尤爲葱鬱康熙三十九年大風吹倒無存

學正署向在明倫堂後久廢無存學正魯斯蓋草房於大門

蘄州志

卷之三

學宮

三

東齋基之上後來者俱居於此今仍移於明倫堂後

訓導向來無署可居康熙三十九年訓導馮營捐資葺茅屋數間於明倫堂北後仍移於堂之東

學額

廩生三十名

增生二十名

三年兩貢

歲考文童例取十八名

武童例取十五名

科考文童例取十八名

學書一名

門斗五名

齋夫三名

樂舞生三十六名

膳夫二名

漁陽書院在廣福寺西乾隆五十七年州牧劉念拔原因前州牧後陞總督梁公肯堂大有德於斯土立祠以致崇報倡率紳士崔鈺張楊澄督工孫明璫錢縉胡大文帮辦捐募創修嗣奉梁公命改作書院正中講堂五間堂前東西廂房各三間堂後東西遊廊各八間後廳三楹嘉慶十四年州牧胡士連塑劉猛將軍像於此廳堂前二門一座外大門三間書院膏火地一頃七十五畝二分一釐每年收

蘄州志

卷之三

學宮

三

租蘄錢二百零一千五百三十文外房一分每年收租蘄錢六千內除封納錢糧需用錢十千零一百文爭得蘄錢一百九十七千四百三十文此項膏火後歸入洗心書院今查漁陽書院爲吏目官舍洗心書院亦坍塌廢無存所有書院膏火歸入義學

洗心書院在城外之東北隅前牧趙錫蒲建今廢

義學舊基無考後設在文化街財神廟西官房二間康熙三十九年州牧陳廷柏設立學田一頃零八畝坐落楊相公等庄每年起租錢八十五千八百八十文

欽頒碑額書籍

順治二年

世祖章皇帝欽定卧碑曉示生員勒石於明倫堂

康熙九年

聖祖仁皇帝御製上諭十六條頒發到學每逢朔望恭請

聖諭於明倫堂上正印官學官率領諸生行三跪九叩禮宣講

康熙二十五年

聖祖仁皇帝御製

至聖先師孔子贊頒發到州立碑

蕪州志

卷之三

學宮

三

正殿之左

贊詞曰蓋自三才建而天地不居其功一中傳而聖人代
宣其蘊有行道之聖得位以綏猷有明道之聖立言以垂
憲此正學所以常明人心所以不泯也粵稽往緒仰邇前
徽堯舜禹湯文武達而在上兼君師之寄行道之聖人也
孔子不得位窮而在下兼刪述之權明道之聖人也行道
者勲業炳於一朝明道者教思周於百世堯舜文武之後
不有孔子則學術紛淆仁義湮塞斯道之失傳也久矣後
之人而欲探二帝三王之心法以爲治國平天下之準其

奚所取衷焉然則孔子之爲萬古一人也審矣朕巡省東國謁祀闕里景企滋深故摘筆而爲之贊曰清濁有氣剛柔有質聖人參之人極以立行著習察舍道莫自惟皇建極惟后綏猷作君作師兼統萬古曰惟堯舜禹湯文武五百餘歲至聖誕生聲金振玉集厥大成序書刪詩定禮正樂旣窮象繫亦嚴筆削上紹往緒下示來型道不終晦秩然大經百家紛紜殊塗異趨日月無踰美牆可晤孔子之道惟中與庸此心此理千聖所同孔子之德仁義中正秉筭之好根本天性庶幾夙夜勗哉合圖遡源洙泗景躅唐

薊州志

卷之三

學宮

五

虞載厯庭除式觀禮器擗毫仰贊心焉遐企百世而上以聖爲歸百世而下以聖爲師非師夫子惟師於道統天御世惟道爲寶泰山巖巖東海泱泱高數仞夫子之堂孰窺其藩孰窺其徑道不遠人克念作聖

康熙二十七年

聖祖仁皇帝御書萬世師表四字頒發到州敬謹製匾懸掛 正

殿之前

康熙二十八年

聖祖仁皇帝御製顏子會子子思子孟子贊勒石 正殿之右

顏子贊

聖道早聞天姿獨粹約禮博文不惑不貳一善服膺萬德
來萃能化而齊其樂一致禮樂四代治法兼備用舍行藏
王佐之器

曾子贊

洙泗之傳魯以得之一貫曰唯聖學在茲明德新民止至
為期格致誠正均平以推至德至道百行所基纂承統緒
修明訓詞

子思子贊

薊州志

卷之三 學宮

三

於穆天命道之大原惟聖動而天應德庸言以育萬物以贊
乾坤九經三重大法其存德業與成德之門卷之五
擴之無垠

孟子贊

哲人既萎揚墨昌熾子與闢之曰仁與義性善獨聞
養氣道稱堯舜學屏功利煌煌七篇並垂六藝孔學依何
禹功作配

康熙四十一年

三祖仁皇帝御製

奉

雍正二年

高宗憲皇帝御書生民未有四字頒發到州敬製匾額懸掛 正

殿

又頒發

聖諭廣訓期望宣講

乾隆三年

高宗純皇帝御書與天地參四字頒發到州敬製匾額懸掛 正

殿

蕪州志

卷之三 學宮

三

乾隆六年

高宗純皇帝頒發四書文

乾隆七年

高宗純皇帝頒發學政全書 學宮備考

聖諭

乾隆九年

高宗純皇帝頒發大清律

嘉慶三年

仁宗睿皇帝御書聖集大成四字頒發到州敬製匾額懸掛 正

殿

道光年

上皇帝御書道協時中四字額發到州敬製匾額懸掛 正殿

按學校之設所以明人倫也

大聖頒發額匾區額并

皇上御製字額今敬謹備錄以見我

朝崇道尊師之至意亦使讀書之士寓目而生敬畏焉他如
忠孝節義等祠以及書院義學或止存其基或止存其
名今仍考厥由來備詳基址庶幾顧名思義或可隨時

蕪州志

卷之三 學宮

三

修建云爾

餉精始末

陵寢建設以來官俸兵糧役匠食米皆給

帑槩買應用以致米價騰貴小民謀食維艱荷蒙

聖祖仁皇帝軫恤民瘼

特命開濬河道轉運糟儲以供

陵精米價遂得平減而民無米珠之歎是乃

仁政之及於民為無窮也康熙元年建設

孝陵於薊州之東遵化州之西舊名鳳臺山二年封名昌瑞山

需用守

薊州志

卷之三

餉精始末

三

陵滿漢官兵米糧及太監官員俸米等項向係遵化州領價採買

供應康熙十八年遵化州以獨供繁難通詳各憲請令鄰

封協供允令薊州豐潤縣同遵化州遞年供應康熙二十

年又添

皇后陵及

如衙門二十五年三州縣詳憲三州縣各分供應憲批允行乃

定豐潤縣供應

孝陵遵化州供應

皇后陵薊州供應

妃衙門二十七年又添建

暫安奉殿上憲因豐潤縣道路迂遠腳價不無多費令遵薊二州
遞年輪供每年約用粟米三萬餘石內薊州每年約供應
米六千七百餘石俱各領價採買以致米價騰貴康熙三
十四年二月初五日

聖祖仁皇帝特諭內大臣郎坦等畿東米價騰貴皆因買給

陵上駐扎官兵綠旗兵丁是以價貴爾等前往畿東一帶查看如
有河路可通至薊州運送米石之處看明具題欽此欽遵內大
臣郎坦等於二月初旬查看回奏臣等前往查看畿東河

薊州志

卷之三

餉糈始末

五

路自海口以上由上南河以至下倉可行大船由上倉至
薊州前五里橋卽小船稍有淺滯而新河口至北塘有舊
河形跡奉

旨畿東米價騰貴若從河道運送米石米價低賤兵民俱有裨益
爾等與戶工二部滿漢堂官將帶來圖畫驗看會議具題欽此
欽遵該臣等會議得自天津衛將米石以船運至薊州之
南五里橋給與官兵本地糧價低賤兵民大有裨益應差
嚮道章京同戶工二部賢能官各一員帶領天津道自海
口由南河至下倉運送或自新河口將北塘河道挑濬運

送自新河口至薊州五里橋挑淺等處看明所需挑挖丈尺估計待來到日再議具奏二月二十一日引奏本日奉旨著諾爾遜舒輅楊柱去欽此三月初六日

欽差諾

舒

楊由天津看至薊州十一日具摺啟奏稱臣等查

得自天津起至新河口止水路有一百六十里零新河口起至北塘止舊河基三十里臣等丈量時見衆百姓紛紛歡舞皆稱挑濬此河不但運米有益卽吾等小民亦大有裨益除將舊河基丈量二千六百丈外中間一段被土淤滯比平地高二三尺不等自舊河以北照地勢之窪處挑

薊州志

卷之三

餉糈始末

三

挖丈量長二千九百二十丈此河挑口寬三丈底寬一丈五尺深一丈計用夫一十四萬四千一百一十二工每工給銀四分共需銀五千七百六十四兩零又自北塘起至下倉止並無淤淺自下倉以上至薊州前五里橋止河路八十餘里內淤淺三十五處丈量共一千三百三十五丈用夫八千二百九十八工每工給銀四分共需銀三百三十一兩零如將新河挑濬下倉以上淤淺處挑通則裝米一百石之船自天津裝米可直抵薊州前五里橋再自天津河由海運米以由海之海角船載米候風遶海進北塘

河口竟可至新安鎮自新安鎮以上河路海角船難以行
走以載米一百石之船撥運可至五里橋又天津道朱士
傑呈稱挑濬新河運米於民生大有裨益凡在臣民無不
歡忻鼓舞監察御史色德與職道士傑鹽法道李法祖鈔
關員外郎明輔分司劉國佐共捐銀五千兩今挑河估計
之數尙不敷銀七百餘兩銀數無多職道等再行奏捐完
工又薊州知州張朝琮呈稱自下倉起至五里橋挑淺止
需銀三百餘兩薊州百姓聞開河道俱各紛紛歡舞今河
道一通不惟米價低賤商民貿易亦大有裨益卑職捐銀
一並交與該部核議可也奉

薊州志

卷之三

餉糈始末

三

旨好著卽行挑挖但河口三丈底一丈五尺尙屬窄小兩船難以
錯綜而行著挖口面四丈底二丈方善除官員捐銀五千兩外
再著動用正項錢糧五千兩此河作何程式之處速行估計具
奏薊州挑淺需銀三百兩餘亦著動用錢糧既係爾等踏勘卽
著爾等前往監挑餘依議欽此欽遵工部題覆查得新挑河口
寬四丈底寬二丈連捐銀其需用銀八千餘兩挑挖此河
應令部員率領原同踏勘之員前往監挖並行文沿河道

府州縣官員作速催償於雨水之前完工其應用錢糧動用天津道庫存銀兩應用俟工完之日運米之處再行議覆三月十四日具奏本日奉

旨依議著將運米之處議奏欽此欽遵天津道朱士傑派寶坻王田遵化豐潤滄州武清永清任邱天津衛九處管挑新河本州於四月初六日動工催夫挑挖奈此河純係溜沙急流亂滾纔得挖深沙卽流入隨挖隨淤知州事張朝琮於四月十六日具報部差及天津道申文內稱爲欽奉

上諭事切有下倉起至五里橋止挖淺河道卑州自本月初六

薊州志

卷之三

餉糈始末

三

日起工將原勘淤淺處所極力僱工挑挖不意河身沙土凝滑如脂備極撈淺之器具用盡人夫之工力始得刨有深坑甫奏尺寸之效及曉起視之昨日所挖坑窪之處已爲流沙淤滿仍復如舊矣計起工十餘日竭力盡心未能少有成效心胆如焚再查三月初旬 大部 憲臺通河丈勘蓄水深淺正值挑花水發之候處處河渠俱能泛溢今河內積水漸涸向之水深三四尺者今止有二尺七八寸矣深者淺而淺者涸不惟挖淺之工倍而水勢倘或日甚一日將來作何區處卑州身任地方無不竭厥公事以

盡職守但工程之棘手難竣河水之高下莫憑敢不預爲
隱憂合亟申報伏乞俯賜熟商裁奪萬全庶得通流運送
克底成績也一面具文申報一面上緊挑挖其如水勢比
前大涸溜沙仍然如是乃議建立土壩蓄水四月二十六
日詳蒙
欽差 戶部舒 工部楊 天津道批該州精敏歷練熟諳河
工凡因公委用無不唾手奏效况漁陽一帶河道正隸該
州所屬地方自是輕車熟路今應作何疏濬自當竭力圖
維以期速竣豈可反以棘手爲詞逡巡退縮耶事干

薊州志

卷之三

餉糈始末

三

欽工緊要未便遲緩等因又詳卑州查挑濬河道係緊急

欽工敢不竭蹶竣事實因流沙爲患底績甚難故備文詳請荷

蒙 憲臺溫諭勉策感奮益勵奚敢少有逡巡退委以辜

委任奈河道綿長並無委員分頭督理卑州惟有百計籌

畫晝夜僱工寢食俱廢日下始得少有成效一俟工完卽

當星馳申報請俟勘視卑州更有請者河內流沙往來不

絕倘工完之日流沙又復爲患其間深淺凝滯之處亦未

可定况一帶河流從山而下邇來日涸一日前此不議挑

挖者今俱涸淺卑州謬抒管見自下倉起至五里橋止計

河面里數築壩三層使上游水勢少爲遏抑則頃刻之間水必泛溢而中留大口使米船出入流通一無滯礙此亦救時權變之一法也合無詳請迅賜裁示以便星速遵行前詳蒙 天津道朱 批據詳築壩過流以通米運此誠救時權變籌慮周詳本道與

欽差兩部公同披閱之下不勝嘉尚仰卽實力舉行速底成效毋遲繳乃於下倉埕頭上窩頭二處設立土木壩究無成效而米船已至乃幫助拉扯而上次年候水發而米船始至殊覺便易康熙三十六年二月二十三日州牧張朝琮具

薊州志

卷之三

餉糈始末

善

文申詳內稱爲詳請循例額設淺夫以固運道以救官民事切照奉

旨截漕運薊供應

陵糈不使米價增貴民食維艱直濟時之聖政也所有薊州運糧道自城南之五里橋起由上倉下倉至嘴頭庄止計九十七里三分自嘴頭庄迤東至新安鎮南口頭交界止計五十三里八分八釐折半計算薊寶各該二十六釐九分四釐此河悉係流沙凝滑如脂每年淺阻挑挖隨挖隨淤百

計設法疏排工加數倍始可量船行

費浩繁三十四年挑淺工價蒙 部差估計具奏奉

旨敕發錢糧支用在案三十五年挑淺係卑州捐資僱夫今又
屆三十六年挑濬之期矣卑州身任地方無不竭蹶勉力
盡職除現在仍照舊挑挖深通伺候糧船運行外但此河
每年淺阻勢必預期加工挑挖方可濟運奈所需工價無
從出產卑州衝途窮吏賠累萬千萬難肩任而無悞查通
州一帶運河皆有額設淺夫挑濬今薊州運糧河道事同
一例擬合詳請 憲臺俯賜照通州一帶運河之例題請
額設淺夫以便隨時挑濬不致糧船有淺阻之虞運道生

薊州志

卷之三

餉糈始末

三

民均有攸賴矣前詳蒙 撫院沈 批仰候酌咨繳隨經
咨明 戶部十二月內 戶部咨覆事隸 工部毋庸議
康熙三十六年十一月蒙 撫院沈憲牌准 戶部咨稱
倉場侍郎德等具題

陵寢官兵匠役並綠旗兵丁歲需米三萬石零遵

旨或將東省粟米或將江南稜米截留著原船自天津運至新
河口自新河口撥裝紅剝船運至薊州五里橋將此米進
京所需由開進倉腳費銀兩俱給與紅剝船人夫在案臣
等竊思新河民商船隻可以在來行走東豫二省通州等

衛所漕船內有買補民船可以運至薊州若將原運之船令其徑運則旗丁無盤交米石之虧折而每年又省腳費銀三千餘兩嗣後應請將所給

陵寢人等米石每年於未起運之先部行總漕該撫將通州等衛所漕船內揀選輕小者照數裝載委官徑運至薊州五里橋交與該管地方官員照數收受等因移咨前來查

陵寢官兵匠役並綠旗兵丁歲需米三萬六百石從前俱係採買支給康熙三十四年二月內特奉

諭旨自天津海口至薊州五里橋挑河將山東等省米石自天

薊州志

卷之三

餉糈始末

美

津照數截留著原船運至新河口自新河口撥紅剝船一百五十隻裝載運至薊州五里橋三十五年三月內直隸巡撫沈於本年運米之際將每年春夏二季米一萬八千石預撥運送嗣後每年照此運送等因具題行文在案今倉場侍郎德等既稱豫東二省通州等衛所漕船內有買補民船可以運送至薊州著將原送之船令其徑送則旗丁可無交盤米石之虧折而每年又省所需腳費銀三千餘兩應行令總漕山東河南巡撫嗣後每年各省協運通州等衛所船內揀選不曾搭運輕小之船將一年所需米

石足數裝載委押運之官運至薊州五里橋便照抵運交
兌限期交與該管地方官員其卸運之官自是日空船隻
毋少遲誤合其速回仍將回空日期存報倉場待郵照例
題報所收正耗米數直無違冊報部可也等因康熙三十
六年十月二十六日題本月二十九日奉

欽此欽遵爲此合咨前去查照本部覆奉
欽遵施行等因到院行道該關到道等因奉此爲此牌
仰該州官吏查照牌內事理將

歲需米石俟通州等衛所將漕船運至薊州五里橋照數收

薊州志

卷之三

餉糈始末

三

受仍將所收正耗米石數目備造清冊送道以憑核轉康
熙三十七年正月十八日州牧張朝瑛具文申詳內稱卑

州查得 部咨內開康熙三十七年裁運南來漕米新奉

總督倉場具題於山東河南二省裁船內揀選不會搭運

輕小原船直抵薊州五里橋交卸仍照抵通限期令其回

船運米旗丁無交盤虧折之苦而每年又省庫帑三千

金兩此誠益上全下之善政也但查薊州附近山坡地勢

高而南低自五里橋正南至下倉計程八十餘里船自

下倉行至五里橋地勢漸高河水甚淺每年六七月間

山水大發則三四百石之船亦可行走自二月至五月水涸之時止可二三十石之船行走是以康熙三十四年三月內奉

旨差二等侍衛覺羅那爾孫等及 戶部 工部查看河道之時自下倉起至五里橋止坐船丈量內淤淺三十五處用夫挑挖動用錢糧三百三十餘兩始可裝載一百石之剝船行走河路一帶盡皆溜沙隨挑隨淤用夫甚多卑職於動用正額錢糧之外又捐銀僱夫始行完工卑職以此河道每年運糧屢次詳請設立淺夫未奉允行今如將東豫二

蘄州志

卷之三

餉糈始末

三

省輕小船隻運送最小之船亦裝米一百石以外河道水淺斷不能直抵五里橋如照例動用錢糧僱夫挑挖則未奉題明安敢擅動民夫如責令地方官挑挖則卑職窮員歷年支應

陵工賠累已極斷不能捐資挖淺誠恐三四月間糧船抵境水淺難行合先預爲詳明前詳於本年二月十七日蒙 總督

倉場侍郎德 批據該州申前事等情到部查

陵糈米石關係緊要今本部堂題定將輕小漕船徑運到蘄倘有淤淺處所該地方官速行設法挑濬不得推委混行詳請

合行駁回爲此牌仰該州遵照毋違年二月十九日州牧
張朝琮復申文內稱蒙 諭云云卑職捧讀之下 憲令
煌煌敢不稟遵但 大部以輕小原船具題徑運至薊者
朱悉薊州河道五月以前淺阻之狀並七八十里之遠不
能行也故康熙三十四年奉

旨差二等侍衛覺羅那爾孫等及 戶部 工部坐船查看河道
之時未常不計及以輕小原船徑運至薊之爲便也無如
水不盈尺淺處三十五段計程甚遠兼之溜沙隨挖隨淤
故估計挑挖僅可一百石之紅剝船行走否則船至下倉
斷不能至五里橋也蒙

薊州志

卷之三

餉糈始末

三

皇上洞悉薊地官民艱苦情形奉有薊州挑淺亦著動用正項錢
糧之

旨並著 戶部 工部督工監挑紅剝船方可到五里橋迨康熙
三十六年兩年運送米石俱係六七月運至斯時正當水
發之時民船二三百石者亦可以直行而無阻今奉
大部令地方官設法挑濬夫設法二字不過官捐與派夫
耳卑職衝途勞吏歷年賠累窮苦已極無可借貸挪移不
能設法捐資僱八九千之夫役若能民夫挑挖則薊州圈

佔之區閭郡人丁不過四千卑職微員何敢私派令其盡入河道挖淺況

陵寢要路每年

皇上

皇太子

阿哥經臨萬一訪聞或百姓控告斯時卑職之辯遲矣偶然之事或費銀數十金或需夫數百名在卑職身任地方有不勉力奉行者乎今

陵糈米石與天地同久年年循例運送如責令地方官斷無力年

薊州志

卷之三

餉糈始末

卑

年捐賠如派民夫民力亦不能年年挑挖 大部爲國爲民忍使薊州官民有千萬年之累乎卑職身任地方不得不據實申明並無推委混詳之處查

陵糈米石尙可供應至五六月伏乞 大部或寬限期或令改撥

於五六月運送則河道無淺阻之虞糧艘亦不至於遲悞矣爲此備由具申并將 戶部 工部原題抄錄於二月

十九日通詳 各憲二月二十一日蒙 撫憲都察院沈

批據守道呈詳新河窄狹溜沙淤積令將豫東原運漕船徑運薊州不必另換紅剝查三十六年紅剝載米百石已

經設法攬運今之淤沙更甚於前倘致貽悞千係匪輕
有做照明季築壩之法攬水挑濬仍令十州縣合力均修
設立淺夫隨時疏濬等情到院據此除詳批外爲照新河
一道係關攬運

陵精誠屬重大據稱河身窄淺重艘難行詳請照明季築壩之法
仍令各州縣衛合力均修本部院再四思維非特各州縣
衛屢被災歉難以協修且切近

皇陵未便私意鑿見築壩挑挖惟有臨時設法攬運不致貽悞况
上年商人張行等公輸小米三百石以助疏濬之用已據

薊州志

卷之三

餉糴始末

四

蘆臺巡檢陸經遠報貯新河庄內卽將此項米石以爲挑
挖人夫工食之需尙屬有餘何用再請協修如云原運漕
船所載米石必多勢必有悞查所開新河以至薊州五里
橋計程雖有五百餘里其中不過百十餘里斷斷續續稍
有淤淺之處且係豐玉薊寶並梁城所各屬分管挑濬何
難計日克竣除檄行該道嚴催速行疏濬無悞攬運外擬
合亟行爲此牌仰該州官吏查照來文內事理卽將運送
薊糧一帶河道會同各該地方官各分疆界作速募夫興
工挑挖務期深固以候攬運

陵精本月二十五日州牧張朝琮又具文申詳內稱查得新河起至薊州五里橋止一帶河道各有疆界專司經理下倉以北係薊州疆界下倉以南係寶坻疆界寶坻新河離薊州五百餘里內豐玉一帶河道並無淺阻薊州乃獨任其事康熙三十四年甫開河道之時按界分管已有成例惟是卑州薊河自下倉起至五里橋止縣長七八十里北高南低枕山而下五月以來水不盈尺故侍衛覺羅那爾孫等同工二部查看河道之時遇水深處止可行百石之船將淺處逐段挑挖一百石之紅剝船方可行走無奈淺阻

薊州志

卷之三

餉糈始末

聖

最多兼係溜沙隨挖隨淤如東豫二省輕小原船可以載運斯時

欽差侍衛等卽計及啟奏矣何必重費挑淺而又用紅剝船乎今倉場部堂未悉薊州水勢淺阻情形竟爾具題節省無如四五月之前水涸之時到薊雖加工挑濬道阻且長用數萬人夫亦萬不能行此重運故前備陳艱苦情形及原題事宜於正月二十日申詳 憲臺及 總督倉場部堂在案未奉 批示二月十七日又蒙 總督倉場檄行以淺阻之處該地方官設法疏濬不得推委混詳卑職謹

將具題原案並

陵糶永遠之事原船勢不能行蘄州官民斷不能年年賠累情由
或賜寬限或另改撥照三十四五兩年之例五六月水盛
漲之時撥運等情於二月二十一日申覆並申詳 憲臺
在案卑職端司蘄河知蘄河之利鈍敢不預爲披陳以期
無悞懇祈 憲臺恩照前詳咨 部於六月間運送則河
道糧船兩無阻碍矣前詳於三月初四日蒙 撫院批
陵工米石當日原題疏內議截山東粟米今該州請於六月間運
送是欲截南來糶米矣不便瀆咨仍照前檄分界挑濬無

蘄州志

卷之三

餉糶始末

三

悞撥運繳本年三月十五日州牧張朝琮又具文申覆內
稱前蒙批示云云卑職接奉 憲批敢不凜遵但蘄州河
道北高南低惟賴雨水及時山水下河方得有水若三四
月間天不施雨水無來處河內淺阻極多今卑職將河內
之水逐段丈量內淤淺八十餘處造具清冊申送查核或
委員驗看如卑職有一字虛誑願聽叅處蓋三十四年
欽差侍衛覺羅那等並 戶二部坐船查看之時如 船與紅
剝船可以行走豈肯不爲

朝廷節省而必題請挑挖乎因五月以前水深之處僅可容

百石之紅剝而淺處甚多勢必挑挖故奉

旨動用錢糧也今河道無水比三十四年淤淺加倍道阻且長卑職窮員卽粉身碎骨亦無力以使之深在 倉場部堂未悉薊州河道情形具題節省屢詳不問在卑職實不能勉力奉行不得不屢瀆 憲聽哀籲泣陳 憲臺爲國爲民忍使薊州有千萬年之大累乎况密邇京畿

皇上神明遍及將來漕船不能前進有悞回空並非卑職之不言之於先而致其遲悞也今米旣過津不便改撥瀆啟伏乞

憲臺俯將卑職前後原詳恩賜盡情敘入將薊河水淺情

薊州志

卷之三 餉精始末

器

形先賜咨明 戶部暨 倉場總督存案實爲恩便康熙

三十七年四月十七日州牧張朝琮因巡撫于公到任又

將所有牌文申文統行抄錄具文申詳內稱云云再卑職

查得 總督倉場部堂具 題節省紅剝船腳價銀三千

餘兩以東豫二省原運糧船竟抵薊州照抵通限期回空

一案卑職卽奉 部行於正月十九日開印之日卽爲備

陳道詳已五次矣今 憲臺蒞任又不得不預爲備陳始

末查康熙三十四年奉

御前二等侍衛覺羅那爾孫等四員及 戶部員外郎等 工部主事楊 等坐小船查河道之時自薊州南門外五里橋起正南至下倉地方止計水路八十餘里枕山而下北高南低逐段丈量水深處不及三尺止可行百石之小船而淺處一尺以下之水共三十五段計一千三百三十五丈悉係溜沙隨挖隨淤

欽差侍衛那爾孫等估計挑挖回奏之時奉

旨開寶坻縣之新河因薊河無水大船不能前進故新河亦照薊河水勢止開運送一百石紅剝船行走之河亦並未深大

薊州志

卷之三

餉糈始末

罌

也 倉場部堂疏內未悉薊河淺阻情形以新河民商船隻可以行走將東豫二省原始令其直抵薊州不用紅剝船以期節省夫薊州一帶河道水無來源惟藉水發之時山水匯歸故每年六七月間水發大船可以行走若五月以前水盡乾涸河內魚船亦不通行前卑職逐段丈量計淺八十餘段計長三千九百四十丈俱一尺上下之水較之三四十年淤淺過倍此 憲臺與 倉場部堂俱可以差官查驗者今河內無水斷無術以使東豫二省原船直州也如曰原船可以抵薊則三十四年

欽差侍衛等查看河道之時豈不計及而必動用正項錢糧挖淺以行一百石之紅剝船將新河亦照一百石之紅剝船開窄小平今歲運米三萬六百石糧船止六十三隻是每船裝五百石矣三月間糧船已抵寶坻縣之新河口因淤淺不能前進 倉場部堂咨會已令原開新河之寶坻滄州武清玉田東安豐潤遵化文安永清天津十州縣衛各帶人夫前赴新河挑挖矣夫新河止三千里用十州縣之民夫或可開通隨潮而入糧船可以過此再抵薊州之下倉尙有水路八十餘里潮汐不至無論有米之船卽空船

薊州志

卷之三

餉糈始末

異

亦不能前進如到下倉另換一百石之紅剝船則一帶淤淺之處卑職自當設法挑濬以抵薊州如必欲以原船直抵則河內淺阻已極並非卑職之遲悞卑職先經申詳五次痛哭披陳亦並非不詳之於先也查

陵工米石每年預運半年現在有米支放卽有不敷於存倉米內

可以借支還項不致貽悞伏乞 憲臺俯查開河原案並

卑職前後屢次詳文恩賜移咨 倉場部堂並咨明 戶

部俟六月水發之時運至薊州收受實爲德便此文原因

向運一百石之紅剝船水深二尺五寸卽可運行原運

船須水深四尺方可行走州牧張朝琮恐累及里民於無窮故不避上司之嗔怒屢詳不已而院道俱不批行聞當日總不用民夫挑挖必俟水長糧船方至寶坻新河十州縣衛協挑五月終挑完糧船於六月望後方抵薊境河內水已發過深不及三尺費盡心力七月初船纜至五里橋寶邑毛公會同薊州因又詳請設立淺夫康熙三十八年閏七月內工部題奏爲新河關係

陵糶等事據直隸巡撫李題前事奉

旨該部知道欽此臣等議得直隸巡撫李等疏稱新河爲

薊州志

卷之三

餉糶始末

三

陵糶要津不時沙淤急需挑挖薊州應設淺夫二百名寶坻縣應設淺夫三百六十名以資挑濬疏通庶每歲攬運

陵糶重船不至有淺阻之虞等因前來查該撫等雖稱新河爲

陵糶要津不時淤淺急需挑挖等語但此河道水長之時無不可以運行應行該撫於水長之時運糧可也謹奏奉

旨依議欽此欽遵牌行到州自後三十九年遇水發船至並不費力迨四十年河內不發水徐州幫船直至七月方到竟不能行船泊梁家埕頭庄三州縣往梁家埕頭庄收米用車拉運至倉四十一年河內又不發水東昌幫船各自偃夫

方運送至五里橋交收至乾隆三十年因河道淤淺難行兼山水陡發漂沒軍船七隻經總督方 題請將截漕運撥之例停止改爲陸運每年在通截收官員三色俸米自通拉運州倉支放其兵役粟米每歲俱係

陵員自行截收陸運按季支放雖不至累民然總不如原議用紅剝船撥運之爲便捷也

按故明永樂時命大河等十三衛管駕遮洋海船於大名府衛河兌糧由直沽海口開洋涉歷海道運至薊州給軍海中風濤甚險歲有疏虞天順二年以大河衛百

薊州志

卷之三

餉糈始末

哭

戶閔恭言命都督僉事宗勝御史李敏工部主事李尙發薊州等衛軍萬人自新開河起鑿河四十里不由海道直達薊州之紀家窩例三年一疏濬運大河等衛糧船三百六十餘艘至紀家窩交收相傳薊境內河淺處各船自備有椿木蓆片遇淺卽下椿貼蓆於椿逼水不流登時泛溢船卽前進自下倉至紀家窩止用三壩此法最善惜當日不能行此我

朝設立

後糈米石挽運猶爲吃緊倉場德 未能悉心籌畫輕易成規以

致民有挑控之擾官有賠累之苦軍船有漂沒之患幸
賴總督方 奏請停止改爲陸運官民得免其累然薊
河從此淤塞而通商之利自此止矣甚矣爲民上者可
不詳察利弊而遽改舊章乎

薊州志

卷之三

餉脩始末

四

餉糈數目

昭西陵兵部章京十六員

驍騎校二員

筆帖式二員

領催四名

披甲七十六名

共額餉銀三千零四十八兩

折色粟米一千四百石零八斗

上白米一百零九石 江米十二石九斗

糙粳米一百二十一石九斗

禮部郎中一員

員外郎二員

蕪州志

卷之三

餉糈數目

三

贊禮郎一員

讀祝官一員

筆帖式二員

牛吏擠奶打菓子等九名

壯丁一百二十八名

共額餉銀一千七百五十三兩

折色粟米九百八十六石六斗

月糧米一百三十二石

上白米二十七石一斗 江米三石二斗

糙粳米三十石零三斗

內務府員外郎一員

包衣達一員

主事一員

茶廬總領二員

筆帖式二員

茶膳房拜唐十四名

閑散拜唐二十八名首領一名

太監三名

共額餉銀九百六十兩

折色粟米五百四十石零八斗

月糧米七百九十八石

上白米三十七石五斗 江米四石四斗

糙粳米九十二石九斗

衛州志

卷之三

餉糈數目

三

妃園寢兵部章京八員

驍騎校一員

領催二名

披甲三十八名

共額餉銀一千五百二十四兩

折色粟米六百九十四石四斗

上白米五十一石七斗 江米六石一斗

糙粳米五十七石八斗

禮部讀祝官一員

贊禮郎三員

壯丁四十四名

共額餉銀五百二十八兩

折色粟米三百二十四石

上白米十三石四斗 江米一石六斗

糙粳米十五石

內務府茶膳房拜唐十七名閑散拜唐三十七名

共額餉銀一千零七十四兩

折色粟米四百九十二石二斗五升

折色月糧米一千零一十五石五斗

端慧皇太子園寢兵部章京八員

領催二名

披甲三十八名

薊州志

卷之三

餉糈數目

三

共額餉銀一千四百六十四兩

折色粟米六百七十四石四斗

上白米四十七石二斗 江米五石六斗

糙粳米五十二石八斗

禮部讀祝官一員

贊禮郎二員

雜行六名

共額餉銀七十二兩

折色粟米八十一石

上白米十石零五升 江米一石二斗

糙粳米十一石二斗五升

內務府副管領一員

領催一名

差役十九名

共額餉銀三百六十六兩

折色粟米一百八十七石七斗五升

折色月糧米三百九十七石五斗

上白米四石五斗 江米五斗

糙粳米五石

共額祭牛十隻

共額祭羊六十隻

蘄州志

卷之三

餉糈數目

三

共額乳牛七隻

以上牛羊共需黑豆五百五十九石零八升

共需草二萬六千六百六十九束

按

餉糈數目雖有定額而其中如幼丁如養寡添撥裁

汰仍隨時增減向例每季預估下季需銀總數赴藩庫

領回于季首散放米亦于今歲預估次年之米赴通領

運有餘不足仍每年造入奏冊咨部請銷

倉廩

戶部大倉在州治北正廳三間迎曉閣三間廩房四十間廳前儀門三間又前大門三間門內左右各房三間迤東倉神土地廟明崇禎年焚燬

康熙三十四年欽奉

聖祖仁皇帝上諭截運漕米三萬六百石供應

陵積蒔州遵化豐潤公詳請建造倉廩堆貯漕米 巡撫都察院

右副都御史沈 總督撫院于 兩次具題康熙三十八

年三月二十二日 戶部堂牌為懇請建造倉廩庶

蒔州志

卷之三

倉廩

蓄

皇糧不致滯爛事福建清吏司案呈工科抄出該本部覆直隸巡撫于成龍題前事康熙三十七年十一月二十六日題十二月初六日奉

旨該部知道欽此欽遵於本月初七日到部 部行令蒔遵豐

三州縣除支給米石外將存剩數目並每廩存貯米若干

石之處查明報部再議去後今二月二十四日蒔遵豐三

州縣申覆到部 等查得先經陞任直撫于成龍將蒔州

遵化豐潤三州縣供應

工截留漕米建造各五間一聯倉廩一十二座等因造冊具題

臣部以前項截留米石自康熙三十四年起至三十七年
上各年支給存剩數目若干並每厰存貯米石若干之處
行令薊遵豐三州縣查明報部之日再議具題去後今據
覆稱三十四年起至三十七年止供應

陵工截留漕米除支給外現存剩米五萬六千四百八十九石九
斗零約計每間貯米五六百石但前米未空後米繼至若
收貯無倉米致沍爛祈及時造倉等語查溼任直撫于成
龍既稱薊遵豐三州縣供應

陵工截留漕米建造倉厰需用工料等項屢加駁減估計具題等

薊州志

卷之三

建置志

五

語相應行令該撫將前項價值核減節省建造俟蓋倉完
日將蓋造丈尺匠夫數目并需用物料等項造冊報銷工
部工部查核題銷可也康熙三十八年三月初六日題本
月十四日奉

旨依議

本年三月二十七日密雲縣人李有賢王成具狀攬蓋倉
厰六十間大門一座圍牆一道包三年之內如有捐場自
捐修補本年十一月初一日興工三十九年十月初二日
完工後又核減銀八百二兩零實銷銀一萬二千八百五

十四兩三錢一分零四十一一年三月初四日工部題明
銷本月初七日奉

旨依議

倉內設大門一座官廳三間今久已坍塌原設廩房十二座
今存九座本州五座曰永隆曰永順曰永豐曰永盛曰永
盈道光七年奉文借給玉田縣永盈廩一座本州僅存其四
東南廩房二座爲遵化州之倉又東南爲倉神廟西南廩
房二座北爲遵化州之倉南爲豐潤縣之倉

預備倉在州治東北正廳三間左右廩房十間又前廩房二

薊州志

卷之三

建置志

五

間大門一間於崇禎年間焚燬後改爲張大明王廟

義倉舊有六處一在中營一在邦均一在進貢坨一在馬伸

橋一在別山一在上倉均久經坍塌嘉慶二十一年州牧

司馬章於城內張大明王廟旁另設義倉一處計六間歷

任倡勸存穀八百四十石三斗八升六合七勺道光十年

州牧沈銳勸捐成本大錢六百千發商生息以備修補

常平倉

在新魁樓南

按常平預備諸倉本爲州縣中所必有薊州因每歲奉

撥

陵糶數百石添設多倉諸數存貯而預備等倉遂不復隨時修葺
矣然

陵糶倉厥舊本十二座今只存其九且有爲鄰封借用則預備諸
倉亦宜隨時修建者也特以經費攸關不能各工並舉
不得不權其緩急云

蕪州志

卷之三

建置志

三

壇廟

風雲雷雨山川城隍壇在城南三里

社稷壇在城西北三里

先農壇在城東六里圍房庄東今止存壇址

厲壇在城北三里

八蜡廟在城東北四里地名四方臺

文廟在州西北

詳學宮

武廟在城內州治北倉神廟之東與新鼓樓相對折毀無存

遺碑在焉

蘄州志

卷之三

壇廟

五

文昌廟在文化街嘉慶二年州牧張顏倡率紳士崔鈺金文

基捐募重修

城隍廟祀典已見風雲雷雨山川城隍壇條下矣廟在城西

北隅南至武定街坊曰顯佑坊廟前坊曰理幽贊化背曰

我能爽報大門匾曰城隍廟又匾曰你來了麼康熙二十

八年直隸巡撫于公成龍立大殿匾曰糾察殿東西配殿

各三間塑十二司像正殿西爲土地祠東真官祠後殿三

間爲寢宮大殿前馬殿三間廟前牌坊乾隆十五年州牧

誇喀重修

奎星樓在州治東南文化街乾隆七年州牧錢孫振建基至
乾隆十五年州牧誇喀修竣上建重樓為奎星像俗名曰
新鼓樓

火神廟在城隍廟東

文王殿在火神廟後

馬神廟在城隍廟西久廢無存今建於州署西漁陽驛

龍王廟在南門外先經州牧董廷恩重修後又圯壞京都之
王姓捐資重修捨地四十畝以為香火之資今廢止存其
舊基

衛州志

卷之三

壇廟

五

關帝廟城內共四處一在南門甕城一在火藥局之西俗曰
小關帝廟一在北城根下曰上關帝廟因武廟廢武官祭
旗於此一在武定街曰下關帝廟

藥王廟在城隍廟西南

天齊廟在東門甕城內牌坊曰聖德齊天宏仁配地今坍塌
無存

玄帝廟在北城下俗稱真武廟東柏樹一株鐵榦虬枝似數
百年物

財神廟在文化街

倉神廟在倉大門外之東

土地祠在州署大門內東偏

獄神廟在監內

張大明王廟在州署東北隅卽預備倉廢址舊志載張大明王河神也因漕運通薊康熙三十四年州牧張朝琮創建大殿三間左右耳房各二間東西廂房各三間南各小房一間大門一座二門一座外有大圍牆內有小院牆有退圈地一頃座落紀家采村西南計一段除輪租外以爲香火之資牆內空地栽菸鼓樓下官基租錢並助香火之用

薊州志

卷之三

壇廟

卒

眼光娘娘廟在西門甕城內

廣福寺在州治北相傳爲安祿山府改造然無可攷乾隆五十七年州牧劉念拔倡率紳士崔鈺張揚澄等捐募重修獨樂寺在西門內閣上匾額觀音之閣唐李太白書寺內東偏於乾隆十八年建立

座落並於寺前改立柵欄照壁巍然改觀

白塔寺在州西南隅不知創自何年以寺內有白塔故名於乾隆六十年直隸總督梁公肯堂奉

重修白塔工畢立石塔下題曰奉

重修觀音寶塔

淨土庵在文化街南明萬曆三十五年創修嘉慶十六年四

月十五日焚燬

龍泉庵在州東南隅

興隆庵在州東北隅

裕昆庵在州東北隅

觀音堂在州東北隅

準提庵在州東北隅今廢無存

般若庵在州西偏

薊州志

卷之三 壇廟

三

孔雀庵在州西偏今廢無存

白衣庵在州西北隅今廢無存

圓通庵在州西南隅堂子井

天寶觀在州署後

公輸廟在天寶觀西

紫竹庵在東門外東北

悟樂庵在州北四里壘崗山下

桃花寺在州東十八里桃花山上

藥王廟在州境者十一在州東三十五里峯山庄一在州東

十里黃土坡一在州東五十里三岔口一在州西二十五里牛頭山一在州西三十里那均店一在州西五十里段家嶺一在州西南四十八里公樂店一在州南四十里城子口一在州南三十里上倉店一在州西南六十里西屯娘娘廟在州境者八一在州東三十五里馬伸橋一在州東十五里三家店一在州西三十里那均店一在州西六十里栲栳山一在州南四十里蕭流庄一在州南三十里上倉店一在州南六十里下倉店一在州南五十里蒙家圈三官廟在州境者五一在州東三十五里馬伸橋一在州東

薊州志

卷之三

壇廟

三

十五里大屯庄一在西門外一在州南五十八里後屯一在州南六十里小楊家庄

三義廟在州境者三一在州東三十五里馬伸橋一在州西三里大路傍一在州南十二里澗流店

龍泉寺在州東三十里川方峪

龍鳳寺在州東五十里閭家宮

隆峯寺在州東五十里好女塔

橫明寺在州東五十里好女塔

雙峯寺在州東五十里三岔口

大聖寺在州東四十五里徐官屯

龍山廟在州東四十五里徐官屯

淨土寺在州東十四里十百戶

悟空寺在州東南十二里彌勒院庄

龍泉寺在州東北五十里黃花山下

關帝廟在州境者十八一在州東五里五里碑一在州北崆

峒山上一在州東七里七里峯一在州東十二里毛家庄

一在州東三十里窑舖庄一在州西三十里邦均店一在

州西六里刀剪營一在州南二十五里鄭家套一在州東

蘄州志

卷之三

壇廟

壘

南三十里別山店一在州南四十里柳子口一在州南四

十里臺頭庄一在州南二十五里張家庄一在州南十里管

城庄一在州南五十里馬龍港一在州東南三十五里下

李家庄一在州北四十里下營

眞武廟在州境者十二一在州東二十五里壕門一在州東

二十五里上埦頭一在州東二十五里下埦頭一在州東

十六里張家店一在州東二十里東馬房庄一在州東三

十里八百戶一在州西三十里郭店一在州東南五十

里枯樹庄一在州北五十里黃莊一在州北四十里下

營一在州北五十里車道峪一在州東南五十二里蒙家圈

三柳庵在州東五十里淋河庄

三教堂在州東三十五里峯山庄

玉皇廟在州境者三一在州東五十里黃花山上一在州南

四十里王新庄一在州北四里堽崗山上

普渡庵在西關廂外

白衣庵在州境者四一在西關廂外一在南關廂之西一在

州南三十里上倉店一在州北四里崆峒山下

薊州志

卷之三

壇廟

齋

通濟庵在州西五里大路傍

圓通庵在州西十二里南營庄

甘露庵在州西十八里孫各庄

英國寺在州西二十二里胡李庄

天齊廟在州境者四一在州西三十里邦均店一在州南六

十里下倉店一在州東南五十里胡家樓一在州南四十

里臺頭庄

西方寺在州西二十里邦均店

皇姑庵在州西四十里白澗又名香花庵乾隆十八年建立

行宮於庵右

茶棚庵在州境者二一在州西五十里段家嶺一在州東南

七十里新安鎮

吉祥寺在州西南五十里桑梓庄

天仙宮在州境者三一在西門外一在州東南三十里別山

店一在州西十里五名山

竈君廟在西門外

無樑殿在西門外竈君廟東

斗母宮在州西二十里九花頂上

薊州志

卷之三

壇廟

七

二聖廟在州西六十五里栲栳山

草庵在州西五十里楊木匠溝

觀音堂在南門外

大王廟在州南五里沽河沿

淨龍寺在州南十三里韓家寺庄

無盡寺在州南十六里涼水泉庄

法興寺在州南二十五里果各庄

海雲寺在州南五十二里老曲庄

海覺寺在州南六十五里洵沽二水合流處河沿

旃拏寺在州境者二一在州南五十八里小營一在州南六十三里西屯庄

準提庵在州東南三十八里八溝庄

永善寺在州東南二十里采村庄

大安寺在州東南六十五里迷王會

興隆寺在州南四十里城子口

龍壽庵在州南十二里龍灣庄

興隆庵在州境者二一在州西南十六里限渠庄一在州南

五十里王家店

薊州志

卷之三

壇廟

奕

盈福寺在州西南十八里牛宮庄

觀音庵在州境者二一在州南十八里趙各庄一在州南六

十里太河庄

青龍寺在州南四十二里青淀庄

護國寺在州南六十里侯家營

義井寺在州西南三十五里康各庄

觀音寺在州境者三一在州西南六十五里廖家庄一在州

南二十里李家庄一在州南五十八里後屯庄

普通寺在州西南七十里張仙庄

東嶽廟在州東南十里神仙嶺上神仙嶺卽翠屏山
府君廟在州境者二一在州北崆峒山一在州東南二十里
別山店

廣成子殿在城北崆峒山嘉慶十五年州牧趙錫藩重建

大寺在州南十六里周各庄

彌陀庵在州東南

香林寺在州西北四里

環秀寺在州北三十五里頭道河沿又名了香寺

龍泉庵在州北四十里王家庄

薊州志

卷之三

壇廟

奎

千佛寺在州北四十三里中營

九戶寺在州東二十五里九百戶

翠雲寺在州東六里今廢無存

雲泉寺在州東南十五里

廣濟寺在州西北二十里今廢無存

白雲寺在州東北三里今廢無存

盤石庵在州西

新泰庵在州北香林寺東南

永善寺在州南二十里秦家采村

海潮庵在州東南五十里三道港

按大雅乃立臯門乃立應門而卽繼之曰乃立冢土可知壇壝之設古人原與城池朝市並觀第繹祭法羣社之義則民間立廟祀功春祈秋報又不在此例今以祀典所有民間所立各廟另立祀典一門而以壇廟附入建置亦古人朝廟社稷每以類及之意云爾

蕪州志

卷之三

壇廟

六

盤剎

古中盤在

行宮西北十里紫蓋蓮花毘盧三峯之間康熙十七年改為正法禪院大學士高介題僧行乾傳稱寶積禪師住靜於此康熙中大博禪師重為開拓乾隆四十年

賜名慧因寺中有天語軒五松堂殿旁揮塵花宮塔院精壽堂門

前有談禪石崖後有靜室名別是一天

按蔡士英碑記四山相接疊翠層巒中有數峯陡絕者勢插霄漢又其地多金沙雨過則星燦奪目更

薊州志

卷之三

盤剎

堯

有舍利塔每除夕光明徧山如列炬其中流泉瀑布儼若大江之怒濤焉誠巨觀也他如觀音洞談禪石虬松蒼柏神池映帶種種異景不一而足

盤谷寺在

行宮西北十七里相傳為唐李愿隱居處也初為青溝禪院都御史宋榮題康熙辛亥年僧智朴建乾隆十年重修寺前有清涼石漱玉泉秩秩泉松均後有杏花阪龍首巖中有秋月堂巢雲軒送佛堂文室題曰金湯龍象童貞殿一花現瑞

按青溝之名不見於記載其初殆一虎穴也自拙庵大師來有僧隆寶以茲地獻乃始墾闢是後聖祖仁皇帝屢次幸臨遂成要地所謂人傑地靈者非歟

萬松寺舊爲李靖庵商邱宋犖以前賢不宜直呼其名改爲衛公庵康熙四十三年改爲萬松寺不知建於何代崇禎中僧勝雲重修康熙中僧祥慶又新之相傳萬曆四年勝雲之祖普照禪師卓錫於此念四字佛導人爲善前明萬曆年間御書清心二字徑尺許存寺中寺之西上有舞劍臺唐李藥師靖舞劍處也左有仙人橋右有橐佉石下有

薊州志

卷之三

盤刹

三

浮青歡喜二嶺

按萬松寺自普照禪師念四字佛導人爲善人蟻趨之故至今香火之盛猶甲他寺而僧亦最衆智朴詩曰淨土時宣四字佛開山常飯半千僧

感化寺在

行宮正西一里魏田疇隱處舊名寶積寺唐貞元中建太和咸通間道宗常實二大師重修後以道士居之改爲上方元宮遼乾統七年幽州主帥清河張公奏請易元宮爲感化天順八年寶峯德聚禪師重修成化十一年勅賜廣濟寺

後廢乾隆十年重修

按感化寺原在

靜寄山莊圈內乾隆十年挪在

宮外地多腴壤故寺碑云亢爽清勝確乎不移旣肘腋於絕
巘又襟袖於列剎野有良田百餘頃園有甘栗萬餘
株清泉茂林半在疆域數語足以見規模之盛

雙峯寺在

行宮西北十五里雙峯下舊名重巒禪院有石碣載唐貞觀中
尉遲敬德監造萬曆三十年慈聖皇太后出內帑重建至

薊州志

卷之三

盤剎

三

乾隆十九年重修

千像寺在

行宮之東北隅原名祐唐寺唐開元中建遼統和五年希悟大
師重修相傳昔有尊者挈杖遠至求值足之所僧室東北
隅巖下有澄泉忽見千僧洗鉢瞬息而泯後於谿谷礪石
之面刻千佛像明正統中僧行明重修明善醫眼疾凡目
翳瞳盲之人聞風而至咸獲瘳後裔因習其術人謂盤山
眼藥寺後有搖動石又有洞曰契真憨山遇隱士處也

上方寺在

行宮西北十里許嵯峨峯之東唐太和二年道宗大師結茅於此宗遺行碑現存寺東南隅俗傳寶積禪師隱靜處乾隆十七年重修

雲罩寺在

行宮西北二十里舊名降龍庵唐道宗大師建萬曆二十年勅賜雲罩寺康熙四十三年改爲雲峯法界內有皇藏千葉寶蓮佛殿榜寺東上卽挂月峯峯頂有舍利塔塔旁有喘氣巖後有金雞嶺南下二里有將軍石桃園洞康熙中通緒重修乾隆八年重修

薊州志

卷之三

盤刹

三

按

雲罩寺爲盤山至高處景物幽深叢林高潔沈荃寺碑載山峻而雲生滄然出巖岫間觸石潤礎瀾漫林谷從下觀之不知寺之爲雲雲之爲寺故名曰雲罩寺

普濟寺在

行宮西北二十里許一名甘泉寺相傳昔爲毒龍湫唐太和中
有曉方禪師結茅於此龍讓之徙山後迄今三潭爲龍居也遼金元重修碑記殘缺難攷又傳古有王子出家故寺中伽藍神女像宮粧在佛殿西北隅最高隘處曩寺廢人

欲折毀輒不能上上卽墜下故得存康熙中僧明德住此次第修葺移伽藍像於殿左山上有石龕居人呼爲石狗殿前有三塔列如鼎足後有小輒洞依山磴成極精雅

按沈荃重修甘泉寺碑記載甘泉寺創自唐代盛於

宋元至明初燬於火琳宮紺殿竟爲荒煙蔓草兩石

和尙結茅其間次第募修

香水寺在

行宮之西三十五里唐建有頭陀大師靈塔實行碑金正隆六

年中都寶塔寺沙門知心撰文曰師諱行及海東新羅常

薊州志

卷之三 盤刹

三

興人覽茲香水偶然挂錫剏石頭庵山精自竄拓靈源脈

巖凡化之於廣明元年仲夏無疾而終門人惠超等塑以

真像塔而藏之其後塔龕盡圯恒淨等重修巨塔表焉至

康熙中德心禪師重修寺後有香泉古柏

天成寺在

行宮西北十里一名福善寺一題天成法界當翠屏峯之陽俯

瞰林壑天成圖畫故名寺西南有普化和尙塔基普化唐

時人寺疑唐建康熙中僧雲聯重修有古佛舍利塔翠屏

峯飛帛澗涓涓泉徹公塔山前有下天成原屬寺中菓園

有斷碑載大遼天城福善寺贈舊業栗園之碑又有斷石幢載叡孝天祐皇帝云云

少林寺在

行宮西北六里舊名法興寺至元中道士張志格等遊盤山借居於此因易名爲棲雲觀至正中巢雲威禪師主之宣政院使脫公具奏賜額爲北少林寺明成化己丑寶峯德聚禪師重修嘉靖丁亥又修康熙中僧本住再修乾隆十年又重修西有華巖洞大松棚東有紅龍池多寶佛塔下有石曰菱角曰帳房曰蟒再下有石曰晾甲皆奇秀

薊州志

卷之三

盤刹

古

天香寺在

行宮西北五里舊名妙祥禪院唐建延祐元年重修內有石幢刻云當寺賜紫沙門圓明聰慧大師塔貞元二年建乾隆九年重修後有降香石龍亭石

靈岩寺在甘泉寺西南不知何代所建舊碣謂自唐宋以來七百餘歲蓋古刹也東岩有水自上滴滴漏下鏗然有聲歷久旱不竭而僧衆咸賴寺之得名蓋以是

白巖寺在

行宮正東十里盤山東盡處建自唐代遼天顯十一年重修有

元僧恒志碑記又有慶壽提點裕公塔銘金大定中重修
明天順中香林蘊空禪師退隱於此號曰白岩叟寺北有
九華峯此峯林壑佳麗岡巒秀挺

靜安寺在白岩寺東十里舊名醴泉院遼道宗賜額淨名寺
金大定中改今名

報國寺在

行宮北十二里元至元中圓悟禪師重修後廢乾隆二十七年
重修前有黑龍潭又前一里許有燕子石

龍泉寺一名暗峪寺元至正中僧順結茅明成化六年僧悟

薊州志

卷之三

盤刹

蓋

興開建正德五年重修殿前古樹皆千年物寺南二里亦
有龍泉寺遺基

報恩寺明正統四年重修萬曆四十五年尼宏存再葺

雲淨寺在

行宮北十里舊名淨業庵康熙四十三年改爲雲淨寺萬曆中
蔡來峯建崇禎中僧無暗重修康熙中其徒擴其基而新
之庵內有石幢刊本師惠凝和尚大安八年九月朔門人
棲洞等建疑庵亦遼金故址也

青峯寺在

行宮西北十九里青楊峪一名青峯庵正德中僧德果重修萬
曆中常淨葺之康熙辛亥僧隆寶再葺乾隆十九年重修
內有聖水井

法藏寺在

行宮西北十七里一名茶子庵成化中重修康熙中僧養心又
修殿左有古松盤山第一住僧實子擬建東廂此松微有
礙欲伐之夜夢一碩士風流儒雅揖而告曰吾住此山久
矣師奈何促吾行僧覺其異遂不敢伐前有法船石

金山寺一名四門塔光啟二年建有石碣存稱薊州大夫張

薊州志

卷之三 盤剎

美

公修造此寺又有國子監祭酒張崐題詩勒石薊州大夫
崐之仲孫也下有五金溝

招提寺一名先師臺相傳黃龍禪師熏修處萬曆間蔡如蕙
重修陶望齡撰文後有漁陽獨控四字陶有學書前有古
塔疑爲黃龍塔然無據西有說法臺東有仙人石下有井
深三丈餘塊石鑿成旁有瀑泉二字再下有先師臺三字
再下有奇觀二字再下有東五臺三字以上字俱鐫石壁
徑二三尺許此盤山之最高敞處且推窗千里宛在几席

東竺庵在

行宮北十二里去上方寺二里松樹峪舊名彌陀庵乾隆二十七年重修庵南有燕剪石

聖泉庵在山後昔為羅總兵佔作別墅未久羅卽罹禍廢今呼為羅家城

白巖庵在九華峯前明崇禎時修建今廢

淨土庵有二一在西甘澗康熙中重修庵後有石龕一在塔院庄北三里今圯

瑞雲庵在

行宮東南一里不知建於何代金大安中重修乾隆十年重修

蘄州志

卷之三

盤刹

七

西去半里有朝陽洞

觀音庵有二一在東甘澗康熙中姜和尚重修門外有古松

松下有蒲團石天井石童子石皆以形肖得名一在破舖

峪僧性良重修

中盤寺與少林寺相連不知建於何代寶峯禪師修內有中

盤二字明楊忠裕書寺前題詠石刻最多寺西北有華嚴

洞

劉家庵在上甘澗內有青峯庵舍山碑載山界四至甚悉去

庵西南三十步有洞最高爽可供遠眺崇禎甲申居人避

亂於此今崩壞惟洞中石柱存焉庵東北有石舫擁背石後有飛翠巖

法常寺在玉石村西惟有石幢古井在焉

水月庵俗名沙嶺萬厯中殷司徒建庵於此南有泉自石龍口出涓涓不涸

大慈庵一名五峯庵萬厯中僧常增建庵前有津津亭壯繆祠

報國庵在淨業庵西南二里

華嚴庵在黑塔峪

薊州志

卷之三

盤刹

夫

接引庵在版舖

朝陽庵在盤嶺南俗呼柴背康熙中僧通道建

翠雲庵無攷白塔前石壁刻翠雲庵三字

秀峯庵在盧家峪明正德時建後有守貞洞

龍泉庵碑刻正德九年僧貞義重修今基存庵廢右有池深不可測

繼靖庵俗呼旱店在淨業庵東十里今圯

西方庵在塔院北三里今圯

大悲庵在千像寺東北二里故址無攷康熙中僧通道結茅

居焉

龍鳳庵在上方寺西南始建歲月無考塊石爲基基濶一丈五尺高一丈五尺刻大方廣三字徑八尺

甘露庵在少林寺前乃入山孔道康熙二十七年溟波和尚建草房五楹俗稱十方院今圯

東甘澗在

行宮西北十二里乾隆十七年重修

西甘澗在

行宮西北十一里

荊州志

卷之三 盤刹

七

五盆靜室在五盆溝北今圯

西架靜室在上方寺西康熙中通起重修

東架靜室在上方寺東今廢

黑石峪靜室在上方寺東南一里今圯

茶子庵東靜室康熙中僧百忍建修

中盤西靜室凡三處

少林東靜室在少林寺東南一里

九兒峪靜室在淨業庵南二里

關帝廟四處一在盧家峪一在田家峪一在塔院庄一在怪

子峪

藥王廟在怪子峪今圯

山神廟三處一在玉石塘北一在田家峪東一在龍泉寺側
五道廟在亂石邨東

按盤山諸刹大抵創自唐宋我

朝

列聖巡幸重而新之其廟貌之廢興殿宇之宏猷自應詳于盤山
志中此書特留其名記其地以便考核至各廟俱以

行宮相距遠近為準正以備覽觀云

薊州志

卷之三

盤刹

全

關隘

薊州城守營墩臺十八座

黃土坡 城東十里

豪門庄 城東二十五里

窑舖庄 城東十二里

葛嶺南 城東十五里

賈各庄 城西十里

孫各庄 城西十里

潘家庄 城西十三里

白澗庄 城西十里

五百戶 城西十五里

李家庄 城東十六里

王槓子庄 城東十六里

二里店 城東廿八里

別山店 城東三十里

激溜店 城西十二里

龍灣庄 城西十四里

限渠店 城西南十六里

胡李庄 城西南十五里

索家庄 城西南三十里

黃崖關 在州北五十五里有城千總駐扎

薊州志

卷之三

關隘

全

邊牆九十三里

東起攔馬牆西至松棚頂

樓臺四十五座

墩臺八座

邊儲屯糧地三頃四十九畝七分

所管庄村

黃崖關

中營

下營

青山嶺

車道峪

古強峪

大平安

小平安

赤強峪

蠶椽峪

劉家庄

恥轄峪

關南十二里為中營又三里為下營俱有城西自松棚頂起

十五里為尋思峪又十五里為柞兒峪東自攔馬牆起五

里至恥轄峪又三里古強峪又三里蠶椽峪又十里青山

嶺又八里車道峪又二里大平安又十一里黃崖關北一帶俱山險難行

將軍石關

在州北七十里有城把總駐紮

邊牆九十六里

東起松棚頂西至毛狗山

樓臺四十七座

今倒塌

墩臺二十一座

今倒塌

邊儲屯糧地五十五畝一分

所管村庄

將軍關

岢山集

將軍營

彰作里

黃松峪

黑水灣

黑豆峪

大峪砦

峩眉山

薊州志

卷之三

關隘

全

關南二十里為上營又名將軍營關北十三里為夾城嶺又

十七里為斗子峪東自黃崖關起四十里至彰作里又三

十里至關西四十三里至峩眉山一帶地形平險相半峩

眉山南十五里至漁子山其山在平谷縣東北十五里岡

阜窿然形似大塚相傳為黃帝塚山下有軒轅廟漢武帝

元封二年北巡朔方還祭黃帝塚即此處

按

關隘所以譏禁非常也故控扼險要束制咽喉異言

異服之必察為尤為奸之必辨所係顧不重哉況薊為

神京左輔北接黃崖南臨渤海重關阻塞水陸交通為古來

用武必爭之地尤為宵小易潛之區所宜晨昏啟閉隨
在隄防晝夜巡邏相機察訪是在有共職者咸留意焉
耳

蕪州志

卷之三

關隘

全

市集

本城向於初十一二十一為西街集

初六十六二十六為南街集

初三十三二十三為南關集

初八十八二十八為西關集而東街東關不與焉

康熙四十一年冬州牧陳廷柏從闔州士民公議改定每逢

初一十六東街大集 初三初八東關小集

初六二十一南街大集 十八二十三南關小集

十一二十六西街大集 十三二十八西關小集

薊州志

卷之三 市集

舍

上倉店每逢五十日河東集 二七日河西集

邦均店每逢四九日為大集 二七日為小集

下倉店每逢二七日為大集 四九日為小集

別山店每逢四九日為集

馬伸橋每逢五十日為集

侯家營每逢三八日為大集 五十日為小集

崙山城每逢二七日為集

按易之繫詞曰日中為市致天下之民聚天下之貨交

易而退各得其所蓋取諸噬嗑噬者市也陳貨於左右

以所有易所無也嗑者合也聚衆於都會互相通而互
相濟也周禮司市以次敘分地而經市以商賈阜貨而
行布然則市集之設由來久矣其期也有常其值也有
定子取子求通工易事君子觀於市集之流通而穆然
思古道焉

街坊

鼓樓東至東門為文化街

西至西門為武定街

南至南門為太平街

北至倉前為拱星街

東門之北為東北馬道

再北轉西而北為上井

上井轉西而北為上關帝廟

為錢局前

為倉門口

武廟之下為武廟前

又南為張保口

為灰市口

文昌廟之東而北為文昌宮北轉西為廣福寺前

西門之北為西北馬道

轉東為白衣庵街

直北為藥王廟前

轉東為城隍廟前

蘄州志

卷之三

街坊

全

再東為學門口

轉南為倉前西街

文廟西為尉官衙衙

城隍廟南為城隍廟街

南門之東為東馬道

後一層為南關帝廟街

又後一層為葫蘆峪

為驢馬市

為轉角房

東南隅為火藥局前

轉而東為東南馬道

轉而北為淨土庵前

南門之西為西馬道

轉而北為林家衙衙

直北為戲樓後

轉南又西而南為堂子井

再南而西為塔子寺

堂子井東為木頭市

塔子寺下直北爲西馬道

尙書坊爲天順壬午年貢生禮部尙書賈斌立今廢無存

五攀丹桂坊爲天順乙未進士通政使毛倫宏治戊午舉人

通判毛應時嘉靖癸丑進士戶部左侍郎毛綱萬曆辛

丑進士戶部郎中毛維騶天啟辛酉舉人毛雲翰立今

廢無存

三宴瓊林坊爲毛倫毛綱毛維騶立今廢無存

都憲坊爲成化戊戌進士巡撫劉聰立今廢無存

都憲坊爲成化甲辰進士副都御史歐信立今廢無存

薊州志

卷之三

街坊

七

柱史坊在太平街爲嘉靖癸丑進士京畿道王汝正立存其

基

坊在鼓樓西爲成化戊子舉人知縣李達宏治壬戌進

士長史李莊崇禎戊辰進士知縣李寅賓立存其跡

大司成坊在鼓樓前爲嘉靖乙丑進士祭酒成憲立現存

坊在武定街爲總兵成勳立現存其跡

三藩秉憲兩試監臨坊爲嘉靖庚戌進士巡按崔棟立今廢

無存

兄弟進士內外憲臺坊爲嘉靖丁未進士巡撫李秋嘉靖己

未進士僉事李穰立今廢無存

恩榮坊爲明御史崔江立今廢無存

三世元戎兩京都護坊爲廩生蔭襲指揮張士顯立今廢無存

紫宸聯侍坊爲蔡如蘭蔡如蕙立今廢無存

鄉進士坊爲劉麒立今廢無存

列頸殉夫坊爲劉氏立今廢無存

貞烈坊爲方氏立今廢無存

按自先王體國經野度地居民比戶雲連犬牙相錯而

蕪州志

卷之三

街坊

六

都會之地路之四通者爲街街之外有巷必各命之名所以便傳呼而定指向也至其中科名閥閱婦節女貞皆表而旌之名爲坊殆取言坊行表之意卽所謂表厥宅里樹之風聲也第標題在一時矜式在後世豈直爲觀美哉扶獎人倫端藉乎是故分列之使各有攷焉

橋梁

龔家橋在東門內久廢無存

郭家橋在南門內今止存其基

東門城河橋年久圯壞康熙十二年東七園庄民人姚文捐資倡義重修比舊橋高而且寬行人便之

龍石橋在東門外橋東西之路最爲窪下凡遇天雨泥濘難行康熙四十年僧眞修募修墊高兩傍各留水溝至侯家窰前計路二里俱成平坦而無泥濘之苦

西門城河橋

薊州志

卷之三 橋梁

全

通濟河橋在城西五里橋東自三義廟起橋西至刀子營橋止計路四里餘地勢窪下路最難行康熙四十一年僧眞修募修墊高行者甚便道光十年州牧沈銳倡勸重修西五里橋在州西五里向係土木橋今改爲石橋

刀子營橋在州西七里舊無橋每遇天雨泉水泛溢車徒受陷溺之苦康熙四十二年千像寺僧倪和尚募建此橋今車徒均便於行

南門城河橋

龍池河橋在州南里餘橋之南北地亦窪下行人甚苦康熙

四十一年旗人藍仲富倡義墊高

永濟橋在州南五里跨沽河因涉者甚艱明天順庚辰歲重修永濟之名自此始但沽流遷徙無常屢淤橋爲陸地冬春則搭木橋而行夏月必須船渡康熙四十年知州事陳廷柏勸捐造船二隻以濟行者乾隆五十五年河又南決橋復現今河復南徙置橋於陸地行者冬春仍搭木橋夏月仍須船渡而橋爲無用矣滄桑之變可勝慨乎

澗流土木橋在州南十二里此係山海大路行旅不絕秋冬春搭橋夏令必需船渡康熙四十年知州事陳廷柏勸捐

薊州志

卷之三

橋梁

卅

建造渡船一隻以濟行人並禁索渡錢有碑立於河之東沿

豪門橋在州東二十里不知建於何時今亦無所用之

窰舖橋在州東二十里窰舖庄東

景家橋在州東三十三里馬伸橋西

馬伸橋在州東三十五里馬伸店西柵欄外

店東橋在馬伸店東柵欄外

牛頭山橋在州西二十五里大孫各庄西

店中橋在州西三十里邦均南店內

歡橋在城東南二十五里獻橋庄西

限渠橋在州南十六里石橋庄東

亮水橋在州西南三十里棒庄屯南又小石橋一座

破石橋在州西南四十五里李家庄西

石橋在州西南五十里毛家庄西

新石橋在州東南二十里二十里舖西

石橋在州東二十五里上埝頭庄東

西石橋在州東南五十里枯樹庄西

郭家橋在州南三十里八溝庄西

薊州志

卷之三 橋梁

空

梁家橋在州南三十里八溝庄中

莫家橋在州南三十里八溝庄中

雙橋在州南三十里八溝庄東

殷家橋在州南三十里八溝庄南

東大橋在州南四十里小漫河庄東

西大橋在州南四十里小漫河庄中

馬龍橋在州南五十里馬龍港

板橋在州南五十里康各庄

界橋在州南六十里黃土坎庄東

太和橋在州東南六十里太和庄

廟西橋在州東南六十里薛官庄西南

東土橋在州東南六十五里迷王會

西板橋在州東南六十五里迷王會

中界橋在州東南六十五里喬家庵西

庄前橋在州南五十二里蒙家園中

南石橋在州南四十里牛圈庄南

大石橋在州西南三十里張家店南

西板橋在州西南六十里馬道庄西

薊州志

卷之三

橋梁

三

大板橋在州西南六十里侯家營

亮水橋在州西南六十里三岔口

普濟橋在州西南四十五里青淀庄

通便橋在州南三十里上倉東店東柵欄外西連九聖祠乾

隆五年闔鎮捐資購地修建有碑記

奠家庄小河口開雍正年間奉

帑建修乾隆四十九年紳士白受采等重修有碑記

披雨畢而除道水涸而成梁周禮保章氏之設王政之

大者也非然則徒行者歎然亦行者嗟濡軌矣故或

成以土木費以磚石或爲徒杠或爲輿梁皆足以便民
利用長民者顧可忽乎哉舊志所載今有徒存其名者
悉仍之以備參考焉

蕪州志

卷之三

橋梁

三

祠墓

報功祠舊名鄒公祠明景泰時都指揮劉輔爲鄒公立成化時郡人秦崗徙於州治東北正德時增祀閔公邠州人楊公武進人孟公澤州人并鄒公麻城人今無存

永思祠在州治北郡人建祀州牧鄭公爵魁龍溪人今無存
崇德報功祠郡人建祀經畧袁公應泰邠西人兵備道高公邦佐山西人吳公中明南直人袁公和河南人邵公可立商邱人今無存

楊公祠在襄城內郡人建祀州牧楊公忠裕今無存

蘄州志

卷之三 祠墓

七

去思碑一在鼓樓東爲分司周公勲福建人立

一在西門外三義廟西爲州牧雲南王公宏祚立今無存

一在西門襄城爲州牧山東于公際清立今無存

一在西關廂外爲州牧奉天胡公國佐立今無存

一在西關廂外爲州牧蕭山張公朝琮立今無存

一在西關廂外爲都閫甘肅張公谷貞立今無存

貞烈碑在州西三義廟前爲劉氏立現存

燕昭王墓在盤山千像寺之東十里出盤山志

竇王墓在崆峒山西麓

歐御史墓在東門外三里大路旁有諭祭碑石人馬等物

成祭酒墓在漁山東麓後移於東門外三里有神道碑

劉都御史墓在東門外白馬泉下有祭碑

錢都御史墓在城西一里有封誥碑諭祭碑

賈尚書墓在東門外七園庄有諭祭碑石人馬虎羊

毛侍郎墓在東門外七里鳳凰山下

燕尚書墓在東門外韓和尚庵庄有石碣

李都御史墓在州東六里珠兒峪

薊州志

卷之三

祠墓

七

張吏部墓在州西北香林寺左側

李處士墓在州西門外白馬泉西

戴孝子墳在城東北二里悟樂庵東按舊志載載夢熊浙

之浦江人事母至孝死葬於薊此墳或卽其墓姑誌之

以備後之參攷

恒親太王園寢在州東北六里鍾靈山下乾隆初年建

榮親王園寢在州東北四十五里黃花山下

端慧皇太子園寢在州東二十里朱華山乾隆八年建設立千

總一員外委一員馬兵七名守兵四十七名以守護焉

積骨墩又名積穀墩在州東南二十五里王槓子庄起至二里店東止絡繹不絕有二十餘土阜相傳唐太宗征高麗時兵敗死傷甚多收其骸骨積於此地以土覆於上而成阜又相傳云唐太宗征高麗不利退兵於此恐高麗追襲下以土築阜上堆糧米使高麗謀者見糧米廣貯使之懼而不追二說未知孰是

義塚一在西門外香林寺西北州人程天佑程天才捐資買胡守義地十畝餘埋葬壬午喪亡各骨骸有碑現存一在香林寺東新泰庵後州人程天佑程天材因值饑饉死亡

衢州志

卷之三

祠墓

矣

甚多而遺骸遍野前塚不能容又捐資買白庄頭地一畝餘收埋無主骨骸一在東門外侯家窰路南之東浙江紹興府流寓謝姓等捐資買地設立有碑現存一在西門外三義廟南浙江紹興府流寓等捐資買地設立康熙四十二年浙江人沈由勸衆捐資買塚西僧思悅地十四畝三分新舊共地二十三畝三分有碑現存一在東門外紫竹庵傍金華府流寓施一甲陳一仕等勸捐購買紫竹庵延僧供奉觀音大士因買後地爲義塚塚雖無記厝則有碑現存一在南門外龍池橋東南有碑現存

按祠者祀也名卿大夫與利去弊有功德於民者作之祠以祀之墓者慕也賢人君子嘉言懿行垂典型於後者望其墓而慕之是故豐碑篆額厯厯標題曰某祠某名公之美蹟也某坵某先達之佳城也卽言及孝子烈女靡不低徊憑弔想見其生平彼自有所不可朽者在也但勸旌之典自上操之品題之公則自下定之欲倖邀得乎不然滄桑代變陵谷時移富貴而名磨滅者幾何獨傳此哉以後之傳祠前之烈有志者可以興矣